

萬載縣志

地 250.91

38

地 250.91

38

32



萬載縣志卷七

學校

學官

聖廟舊在治東雙虹橋西

宋崇寧間以舍法造士知縣事李存移建橋東南乾道元年洪綸遷之古寺廟廢為官舍淳熙五年知縣事祝勛仍復舊所即今址後任王僕陳雄錢邁相繼修葺

元至元至順間邑紳黃璧葺講堂兩齋及官廳厨屋

明初知縣趙中因址重建洪武七年知縣賈志通重修明倫堂東西齋射圃厨庫及二先生祠成德達材兩齋十三年知縣

萬載縣志

卷七

學校

崔進建奎星堂後改文會堂正統丁卯李燦成化戊子陳璨迭次繕完丙午知縣黃琪拓舊基建明倫堂堂後立奎文閣嘉靖間署縣推官郭諫臣重修奎文閣敬一亭萬曆二年徐令一唯踵葺厥後殿廡堂齋號舍傾頽知府鄭惇典通志誤為知縣知縣陳王庭倫應祥姚繼舜各有營繕二十年署縣徐之孟修明倫堂文會堂又於文會堂右重修成德達材諸齋崇禎五年知縣韋明傑重修

國朝順治丙申教諭黃恢宏葺邑士郭萬象捐金五百有奇康熙甲辰守道施閏章知府李芳春知縣范廷鳳捐修甲寅冬棚寇掠城廟燬已未知縣常維楨捐貲重修厥後何錫命龐驥



施昭庭程元度先後改建正殿兩廡戟門齋舍雍正間署縣  
譚獻策修知縣許松估重新明倫堂環以磚墻乾隆癸酉遷  
建西偏夾塏移明倫堂於

聖殿東堂後左爲教諭署右爲訓導署邑士高嶠捐金六百王  
家塾黃央中各捐四百爲倡知縣朱崧張立中學官魯鴻藍  
世松董其成嘉慶辛酉知縣來珩率紳士辛炳昭重修道光  
辛丑知縣韓彥章率紳士郭光笏汪茂楠林鳳章郭功晟等  
勸捐督工凡正殿牌樓戟門櫺星門東西兩廡泮池左右牌  
坊俱拆舊鼎新之殿易黃瓦石柱露臺加石欄其各祠及圍  
墻明倫堂學署一律修整加丹雘焉咸豐五年大成殿戟門

萬載縣志

卷七

學校

二

齋舍兵燬十年舉人陳中實貢生郭光昕等具稟偕合邑紳

士勸捐重修同治七年知縣王麟昌率合邑紳民重建齋舍

明倫堂

舊在大成殿西乾隆十八年  
移建大成殿東俱石柱

教諭署

在明倫堂後就成德齋遺  
址構屋兩重廂房俱備

訓導署

在明倫堂後偏右就達材齋遺  
址構屋兩重廂房對廳俱備

射圃

在學  
宮右

土地祠

在射圃隙地道光二十七年  
職員鮑鍾瑞捐貲創建有記

奎文閣

文會堂

敬一亭

俱廢

洗浴巷

在明倫堂左劉李二家屋側知縣黃琪  
闢直通府館前江畔爲諸生暑浴地

學制

漢高帝十二年帝過魯以大牢祀孔子

此帝王祀  
孔子之始平帝元始元

年追諡孔子為褒成宣尼公此諡孔子之始光武帝建武五年帝如

魯使大司空宏祀孔子明帝永平二年令學校皆祀周公孔

子十五年東巡至魯祀孔子及七十二弟子此弟子從祀之始章帝

元和二年東巡至魯祀孔子及七十二弟子作六代之樂安

帝延光三年東巡至魯祀孔子及七十二弟子靈帝光和元

年立鴻都門繪孔子及七十二弟子像

魏齊王正始二年及五年七年並命大常以大牢祭孔子於辟

雝以顏回配祀孔子於大學顏子配饗始此

晉武帝大始三年詔大學及魯國四時備三牲祀孔子七年命

皇太子以大牢祀孔子此太子釋奠之始成帝咸康元年帝釋奠於

萬載縣志 卷七 學校 三

國學此天子親祭國學之始

宋文帝元嘉二十二年皇太子釋奠樂用登歌

南齊武帝永明三年詔釋奠先師設軒縣之樂六佾之舞牲牢

器用悉依上公

梁武帝天監四年詔建孔子廟

陳後主至德三年詔建孔子廟

北魏孝文帝大和十六年改諡宣尼曰文聖尼父告諡於廟勅

有司行薦享禮此有司廟享之始

北齊每月朔祭酒領博士以下及諸學生以上謁廟行禮此朔

禮之始文宣帝天保元年六月遣祭孔子

北周靜帝大象二年帝幸露門學行釋奠禮

隋文帝仁壽元年制國子學每歲以四仲月上丁釋奠於先聖

先師州郡學以春秋仲月釋奠

此郡縣二仲釋奠之始北魏雖命有司薦享然無定時也

唐高祖武德二年詔有司立周公孔子廟七年以周公為先聖

孔子配九年封孔子之後為褒聖侯

邱濬曰自曹魏釋奠孔子於辟雍元魏始有廟

不知其何時立也至是高祖始詔國子立廟

太宗貞觀二年罷周公尊孔子為先

聖以顏回配四年詔州縣學皆立孔子廟

此郡縣立文廟之始

十一年

尊孔子為宣父二十一年詔皇太子釋奠於國子學皇太子

為初獻國子祭酒為亞獻司業為終獻

此遣官釋奠之始而守令主祭亦始於此

以左邱明卜子夏公羊高穀梁赤伏勝高堂生戴聖毛萇孔

萬載縣志

卷七

學校

安國劉向鄭眾杜子春馬融盧植鄭康成服虔何休王肅王

弼杜預范甯賈逵二十二人從祀高宗乾封元年贈孔子太

師總章元年贈顏回太子少師曾參太子少保皆配享元宗

開元八年初定十哲配祀繪坐像二十七年追諡孔子為文

宣王改服衮冕樂用官懸舞用八佾頒四箱金石二十四架

贈顏子竟國公閔子等為侯曾子等為伯

宋太祖建隆三年詔祭文宣王廟用一品禮立十六戟於廟門

真宗大中祥符元年諡孔子元聖文宣王追封聖父叔梁紇

為齊國公二年加先聖冕服桓圭從上公制冕九旒服九章

追封十哲為公七十二弟子為侯先儒為伯又以國諱改諡

元聖文宣王爲至聖文宣王仁宗景祐元年詔釋奠用登歌

按開元初已用登歌尋廢至是復之至和二年封孔子後爲衍聖公

先是孔子後襲封文

宣公祖無擇言孔子爲文宣王不可以祖諡加後嗣詔改衍聖衍聖之號蓋始於此神宗元豐七年增

孟子配享荀況揚雄韓愈並從祀徽宗崇甯四年增文宣王

冕十二旒服十二章執鎮圭廟門立二十四戟並同王者之

制大觀二年以子思從祀四年詔封公夏首等侯爵政和四

年頒大成殿額高宗紹興十年以釋奠爲大祀止葺門外入

廟步行理宗淳祐元年加周惇頤張載程顥程頤朱熹從祀

景定二年加張栻呂祖謙從祀度宗咸淳三年正月加邵雍

司馬光從祀二月以顏曾思孟爲四配升顥孫師于十哲與

伯魚從祀

元世祖至元十年詔春秋釋奠執事官員各依品序公服陪位

諸儒襴衫唐巾行禮成宗大德十一年加孔子號爲大成至

聖文宣王仁宗皇慶二年加許衡從祀文宗至順元年加封

孔子父齊國公叔梁紇爲啟聖王加顏子爲充國復聖公會

子郈國宗聖公子思沂國述聖公孟子鄒國亞聖公加程顥

豫國公程頤洛國公以董仲舒從祀位居七十子之下

明太祖洪武元年詔定每歲春秋仲月上丁日遣官行釋奠禮

四年用登歌堂上堂下之樂舞用六佾以國子生及公卿子

弟在學者充樂舞生五年罷孟子配享六年復十四年定文

廟制自先聖下罷塑像改設木主十五年詔天下儒學通祀孔子頒釋奠儀二十六年頒大成樂器於天下各州縣如式製造二十九年罷楊雄加董仲舒從祀成祖永樂八年正文廟繪塑聖賢衣冠令合古制宣宗宣德三年刊定從祀名爵位次頒行天下十年以元儒吳澄從祀英宗正統二年以宋胡安國蔡沈直德秀從祀三年禁天下祀孔子于釋老宮憲宗成化二年封董仲舒爲廣川伯胡安國建甯伯蔡沈崇安伯真德秀浦城伯十二年增籩豆爲十二樂舞爲八佾孝宗宏治八年以宋儒楊時從祀封將樂伯世宗嘉靖九年更定文廟祀典尊孔子至聖先師不用王號四配爲復聖宗聖述

聖亞聖十哲及門弟子稱先賢左邱明以下稱先儒不復稱公侯伯易朔像爲木主改大成殿爲先師廟從祀申黨卽申棖去黨存棖公伯寮秦冉顏何荀况戴聖劉向賈逵馬融何休王肅王弼杜預吳澄俱罷祀林放蘧瑗盧植鄭衆鄭元服虔范甯七人俱各祀於其鄉進后蒼王通胡瑗歐陽修陸九淵從祀又於先師廟後別建啟聖公祠祀聖父叔梁紇以顏無繇曾點孔鯉孟孫激配俱稱先賢程珦朱松蔡元定從祀兩廡俱稱先儒穆宗隆慶五年以薛瑄從祀神宗萬曆初以羅從彥李侗從祀十二年以陳獻章胡居仁王守仁從祀二十三年以宋周惇頤父周輔成從祀啟聖祠

國朝順治二年加孔子諡爲

大成至聖文宣先師十四年改諡爲

至聖先師

康熙二十三年

御書萬世師表額頒懸各學大成殿二十六年

御製

至聖先師贊暨四賢贊頒學勒石三十八年

詔各學設樂器五十一年升朱子於十哲之次五十四年以宋儒范

仲淹從祀

雍正二年封

萬載縣志

卷七

學校

七

孔子五代王爵更啟聖祠爲

崇聖祠

命各省學宮建忠義孝弟祠仍建節孝祠學宮之外二年增定從祀

先賢先儒復林放蘧瑗秦冉顏何鄭康成范甯增縣賈牧皮

樂正子公都子萬章公孫丑諸葛亮尹惇魏了翁黃幹陳淳

何基王柏趙復金履祥許謙陳澔羅欽順蔡清陸隴其增張

廸入崇聖祠增仲弓伯牛子張有若裔世襲五經博士三年

頒文廟禮樂圖籍四年

御書生民未有額頒懸各學五年

諭直省內外臣民逢



先師誕辰致齋一日諱

孔子名加卍爲邱

乾隆三年

御書與天地參額頒懸各學復元儒吳澄祀升有若爲十二哲  
詔聖廟用黃瓦

先師正位居中東西列四配而十哲次之兩廡列七十子而春秋  
以來諸儒次之

嘉慶三年

御書聖集大成額頒懸各學

道光元年

萬載縣志

卷七

學校

八

御書聖協時中額頒懸各學二年以明臣劉宗周從祀五年以明臣  
黃道周從祀六年以明儒呂坤唐臣陸贄從祀八年以明儒  
孫奇逢從祀二十三年以宋臣文天祥從祀二十九年以宋  
儒謝良佐從祀

咸豐元年

御書德齊疇載額頒懸各學以宋臣李綱從祀二年以宋臣韓琦從  
祀三年以先賢公明儀從祀七年以先賢公孫僑從祀以聖  
兄孟皮配享崇聖祠九年以宋臣陸秀夫從祀十年以明儒  
曹端從祀并酌定以後從祀章程同治二年以魯人毛亨明  
臣呂柟明儒方孝孺從祀

頌文廟祀位次序圖說

御書聖神天縱額頌懸各學

大成殿正位祀

至聖先師孔子

至高二尺三寸七分闊四寸厚七分座高四寸闊七寸厚二寸四分朱地金書按前明蘇州知府林

鶚奏請天下文廟皆奉木主

東配

至高一尺五寸闊三寸二分厚五分座高四寸闊六寸厚二寸八分赤地墨書

復聖顏子

名回字子淵魯人唐貞觀二年以孔子為先聖顏子配享應朝因之

述聖子思子

名伋字子思朱咸淳二年配享

西配

宗聖曾子

名參字子輿魯南武城人唐總章元年配饗開元八年從饗宋咸淳三年配饗

萬載縣志

卷七

學校

九

亞聖孟子

名軻字子輿一字子車鄒人聽雨記談云史記孟子列傳不書生卒年月子觀孟氏譜云孟子周安王十七年四月二日生即今二月二日祿王二十六年正月十五日卒即今十一月十五日壽九十七宋元

豐七年配享明洪武五年詔罷配享刑部尙書錢唐抗疏入諫帝尋悟乃詔配享如故

以上配位宋以前皆稱封爵元至順元年贈顏子兗國復聖

公會子郈國宗聖公子思子沂國述聖公孟子鄒國亞聖公

明嘉靖九年改稱復聖顏子宗聖曾子述聖子思子亞聖孟

子

國朝因之

東哲

至高一尺四寸闊二寸六分厚五分座高二寸六分闊四寸厚二寸廡同

先賢閔子

名損字子騫魯人唐開元八年從祀

先賢冉子 名雍字仲弓魯人唐開元八年從祀

先賢端木子 名賜字子貢或作贛衛人唐開元八年從祀

先賢仲子 名由字子路一字季路十人唐開元八年從祀

先賢卜子 名商字子夏衛人唐開元八年以十哲從祀

先賢有子 名若字子若史記作子有魯人唐開元八年從祀 國朝乾隆三年升列哲位

西哲

先賢冉子 名耕字伯牛白水倉頡碑作百牛魯人唐開元八年從祀

先賢宰子 名予字宰我魯人唐開元八年從祀

先賢冉子 名求字子有魯人唐開元八年從祀

先賢言子 名偃字子游游石經作游檀弓注疏別字叔氏吳人家語魯人史記注今吳郡有言偃家蓋吳郡人為是

萬載縣志

卷七

學校

十

唐開元八年從祀

先賢顓孫子 名師字子張陳人素隱曰鄭康成目錄陽城人陽城縣各亦屬陳郡唐開元八年從祀宋咸淳三年

升列哲位

先賢朱子 名熹字元晦一字仲晦徽州婺源人建炎四年九月十五日午時生慶元六年三月甲子午時卒年七十一

一淳祐元年從祀明崇禎十五年改稱先賢位七十七子下漢唐諸儒上 國朝康熙五十一年升列哲位

以上哲位宋以前皆稱封爵明嘉靖九年改稱先賢某子

國朝因之有子朱子升列哲位從一例

東廡先賢

先賢公孫賢 春秋世諸子產乃公子發字子國之子以其出於公族故氏公孫鄭人左傳魯襄公八年始見昭公

八年卒 國朝咸豐七年從祀原位於西廡

先賢林放

字子邱魯人或曰孔子門人唐開元二十七年從祀明嘉靖九年改祀於鄉國朝雍正二年復祀原位置西廡

先賢原憲

字子思檀弓作仲憲宋人鄭康成曰魯人唐開元二十七年從祀

先賢南宮适

适家語作緇史記作括字子容又稱南宮敬叔魯人孟僖子之子仲孫閱也居南宮因姓焉唐開元二十七年從祀

先賢商瞿

字子木魯人唐開元二十七年從祀

先賢漆雕開

字子若史記作子開白水碑作子脩蔡人鄭康成曰魯人唐開元二十七年從祀

先賢司馬耕

字子牛家語作司馬耕宋人唐開元二十七年從祀

先賢梁鱣

鱣一作鯉字叔魚齊人唐開元二十七年從祀

先賢冉孺

字子魯一作子魯家語作冉孺字子魚魯人唐開元二十七年從祀

萬載縣志

卷七

學校

十一

先賢伯處

古本家語作伯處字子哲史記作子折今本家語作子楷魯人唐開元二十七年從祀

先賢冉季

字子產或作冉季產又作子達魯人開唐元二十七年從祀

先賢漆雕徒父

家語作漆雕從字子文或作子有或作子友魯人唐開元二十七年從祀

先賢漆雕哆

哆今本家語作侈字子斂或作漆雕斂魯人唐開元二十七年從祀

先賢公西赤

字子華魯人唐開元二十七年從祀

先賢任不齊

字子選史記作字選楚人唐開元二十七年從祀

先賢公良孺

孺或作儒字子正陳人唐開元二十七年從祀

先賢公肩定

或作公有家語作公肩字子仲史記作公堅定字子中或作子忠魯人或曰衛人或曰晉人唐開元二十七年從祀

先賢鄒單

鄒或作鄒字子家史記有家語無魯人唐開元二十七年從祀

先賢罕父黑

今本家語作罕父黑字子黑古本家語及史記作子索或作子素魯人唐開元二十七年從祀

先賢榮 旂

旂家語作旂字子祺古本家語字子顏一作子旗魯人唐開元二十七年從祀

先賢左人郢

家語作左郢字子行史記字子行魯人唐開元二十七年從祀

先賢鄭 國

字子徒家語作薛邦字子從魯人唐開元二十七年從祀

先賢原 亢

字子籍史記作原亢籍古本家語作原亢字籍一作原桃正義亢作亢魯人唐開元二十七年從祀

先賢廉 潔

潔史記家語皆作潔家語字子庸今本家語字子曹史記字庸衛人古史作齊人唐開元二十七年從祀

從祀

先賢叔仲會

會文翁圖作噲字子期魯人鄭康成曰晉人唐開元二十七年從祀

先賢公西與如

字子上家語作公西與字子之魯人唐開元二十七年從祀

先賢邾 異

字子斂家語作邾選字子欽文翁圖作國選索隱曰蓋避漢諱改之劉氏作邾異邾音圭所見各異

萬載縣志

卷七

魯人唐開元二十七年從祀

先賢陳 亢

字子亢說文仇一字子禽陳人家語有史記不載唐開元二十七年從祀

先賢琴 張

又名牢字子開一字子張衛人家語有史記不載唐開元二十七年從祀

先賢步叔乘

字子車一作少叔乘齊人家語乘作乘古文乘字說文本作乘唐開元二十七年從祀

先賢秦 非

字子之魯人唐開元二十七年從祀

先賢顏 噲

字子聲魯人唐開元二十七年從祀

先賢顏 何

字冉古本家語云字子稱魯人史記有今本家語不載唐開元二十七年從祀明宏治元年少詹事程敏政請正祀典疑秦冉顏何字畫相近之

誤嘉靖九年罷祀 國朝雍正二年復祀

先賢縣 直

索隱作縣豐廣韻作縣直父字子象魯人家語有史記不載或云卽史記之鄒單也 國朝雍正二年從祀

年從祀

先賢牧 皮 年字里居無可考家語史記皆不載風俗通云黃帝臣力牧之後趙岐曰牧皮事孔子學者國朝

雍正二年從祀

先賢樂正克 年字無考魯人宋政和五年配饗孟子封利國侯國朝雍正二年從祀

先賢萬 章 年字里居無考政和五年從祀孟子廟庭封博興伯國朝雍正二年從祀

先賢周敦頤 敦一作惇本名敦實避英宗諱改焉字茂叔道州營道人宋天禧元年五月五日生熙甯六年六月七日卒年五十七

淳祐元年從祀

先賢程 顥 字伯淳河南洛陽人宋明道元年生元豐八年卒年五十四淳祐元年從祀

先賢邵 雍 字堯夫其先范陽人後徙居洛屢舉遺逸不起宋大中祥符四年生熙甯十年卒年七十六元祐元年諡康節咸

淳三年從祀

西廡先賢

萬載縣志

卷七

學校

先賢蘧 瑗 字伯玉衛人蘧淮南子作瓌唐開元二十七年從祀明嘉靖九年改祀於鄉國朝雍正二年復祀

東廡原位

先賢澹臺滅明 字子羽武城人唐開元二十七年從祀原位於東廡

先賢宓不齊 字子賤魯人宓史記作密唐開元二十七年從祀

先賢公冶長 長古本家語作萇字子長范甯曰名芝白水碑字子之家語云魯人史記云齊人唐開元二十七年從祀

從祀

先賢公皙哀 哀索隱作尅又本作克字季次家語作克字季沈齊人唐開元二十七年從祀

先賢高 柴 字子羔禮記作子皋左傳作季羔家語作子畢齊人史記鄭康成俱作衛人唐開元二十七年從祀

先賢樊 須 字子遲家語魯人鄭康成曰齊人白水碑謂須字子達遲字子緩分為二人未知何據唐開元二十七年從祀

從祀

先賢商 澤 字子季家語字子秀魯人

先賢巫馬施 家語作巫馬期字子期史記作子旗陳人

先賢顏 辛 幸史記作幸或作柳或作韋字子

先賢曹 卹 字子循蔡人唐開元二十七年從祀

先賢公孫龍 龍 龍古今家語作寵字子石衛人鄭康成曰

先賢秦 商 今本家語字不慈古本家語左傳俱作丕茲史記

先賢顏 高 高家語作刻一作尅字子驕魯人索隱名產

先賢穰駟赤 史記字子徒壞家語作穰字子

先賢石作蜀 古本家語作石之蜀今本家語作石子蜀

萬載縣志

卷七

學校

十四

先賢公夏首 字乘家語首作守字子乘魯人唐開元二十七年從祀

先賢后 處 史記字子里家語作石處字里

先賢奚容蒧 字子哲家語作奚蒧字子哲魯人正

先賢顏 祖 今本家語作相字子襄史記字襄魯人

先賢句井疆 今本家語字子界古本家語字子疆正

先賢秦 祖 字子南秦人唐開元二十七年從祀

先賢縣 成 字子祺家語字子橫魯人

先賢公祖句茲 字子之魯人唐開元二十七年從祀

先賢燕 伋 伋古本家語作級字子思史記字

先賢樂 欬 欬家語作欣字子聲魯人唐開元二十七年從祀

先賢狄 黑 字哲之史記字哲一作子哲衛人正義魯人唐開元二十七年從祀

先賢孔 忠 忠家語作佛字子蔑孔子兄孟皮之子唐開元二十七年從祀

先賢公西蒧 字子皙家語作奚蒧字子皙魯人正義曰衛人唐開元二十七年從祀

先賢顏之僕 字子叔史記字叔魯人唐開元二十七年從祀

先賢施之常 字子恒魯人唐開元二十七年從祀

先賢申 棖 家語作中續又作申績字子周史記作申黨又作申棠字周鄭康成作績或作儻字子績魯人唐開元宋大中祥符間皆以振黨為二人均加封爵從祀明嘉靖九年以重名去黨存振議詳祀典源流

先賢左邱明 魯人一作中都人楚左史倚相之後史記姓左邱唐貞觀二十一年以經師從祀

先賢秦 冉 字開居里無考史記有家語無唐開元二十七年從祀明嘉靖九年以不列家語弟子之數罷祀

國朝雍正二年復祀

萬載縣志

卷七

學校

十五

先賢公明儀 年字無考通考魯南武成人子張曾子弟子國朝咸豐二年從祀原位東廡

先賢公都子 年字里居無考宋政和五年從祀孟子廟國朝雍正二年從祀

先賢公孫丑 齊人宋政和五年從祀孟子廟國朝雍正二年從祀

先賢張 載 字子厚橫渠世大梁人宋天禧四年生熙甯十年卒年五十八清祐元年從祀

先賢程 頤 字正叔伊川洛陽人明道之弟未明道二年生大觀元年卒年七十五清祐元年從祀

以上先賢位宋以前從祀者皆稱封爵明嘉靖九年改稱先

賢某子周張程邵五子嘉靖時稱先儒崇禎十五年改稱先

賢位在七十子之下漢唐諸儒之上

國朝俱稱先賢不稱子

東廡先儒



先儒公羊高 齊人子夏弟子唐貞觀二十一年從祀

先儒伏 勝 字子賤濟南人唐貞觀二十一年從祀

先儒毛 亨 河間人年無考受詩於荀卿以授毛萇亨稱大毛公萇稱小毛公詩疏魯人 國朝同治二年從祀

先儒孔安國 字子國 至聖十一代孫唐貞觀二十一年從祀原位於西廡

先儒后 倉 字近君東海郟人明嘉靖九年從祀

先儒鄭康成 不書名謹避 聖祖仁皇帝廟諱上一字北海高密人唐貞觀二十一年從祀明嘉靖九年改祀於鄉 國朝雍正二年復祀原位於西廡

先儒范 甯 字武子本南陽順陽人晉咸康五年生隆安五年改祀於鄉 國朝雍正二年復祀原位於西廡

先儒陸 贄 字敬輿蘇州嘉興人唐天寶十三年生永貞元年卒年五十二諡曰宣 國朝道光六年從祀

萬載縣志

卷七

學校

十六

先儒范仲淹 字希文其先邠州人後徙蘇州吳縣宋端拱二年生皇祐四年卒年六十四諡文正 國朝康熙五十四年從祀

先儒歐陽修 字永叔號醉翁晚號六一居士廬陵人宋景德四年生熙甯五年卒年六十六贈兗國公諡文忠明嘉靖九年從祀

先儒司馬光 字君實陝州夏縣涑水鄉人宋天禧三年生元祐元年卒年六十八贈大師溫國公諡文正咸淳三年從祀原位於西廡

先儒謝良佐 字顯道上蔡人 國朝道光二十九年從祀

先儒羅從彥 字仲素豫章南劍羅源人宋熙甯五年生紹興五年卒年六十四諡文質明萬曆四十二年從祀

先儒李 綱 字伯紀紹武人宋元豐六年生紹興十年卒年五十八 國朝咸豐元年從祀原位於西廡

先儒張 栻 字敬夫號南軒漢川縣竹人丞相浚子也宋紹興三年生淳熙七年卒年四十八諡曰宣景定二年

先儒陸九淵 從祀原 位西廡  
字子靜號象山撫州金谿人宋紹興九年生紹熙三年卒年五十四諡文安明嘉靖九年從祀原位

先儒陳澹 西廡  
字安卿北溪彰州龍溪人宋紹興二十三年生嘉定十年卒年六十五國朝雍正二年從祀

先儒真德秀 西廡  
字景元後更景希號西山建之浦城人淳熙五年生端平二年卒年五十八諡文忠明正統二年從祀原位

先儒何基 西廡  
字子恭婺州金華人屢薦舉不受宋淳熙十五年生咸淳四年卒年八十一諡文定國朝雍正二年從祀原

先儒文天祥 西廡  
字宋瑞一字履善號文山廬陵人宋端平三年五月二日生元至元十九年以不屈卒年四十七元諡忠武明迨諡忠烈國朝道光二十三年從祀原位西廡

先儒趙復 從祀  
字仁甫號江漢九江德安人生卒年無考以宋端平二年至北庭當列元儒之首國朝雍正二年

先儒金履祥 從祀  
本姓劉避吳越錢武肅王嫌名更為金字吉父號仁山婺之蘭谿人宋紹定五年生元大德七年卒年七十二諡文安國朝雍正二年從祀原位西廡

先儒陳澔 從祀  
字可大雲莊東隴南康都昌人隱居教授宋景定二年生元至正元年卒年八十一國朝雍正二年從祀原

先儒方孝孺 西廡  
字希哲號正學甯海人八至正七年生明建文四年殉難卒年四十六國朝同治二年從祀

先儒薛瑄 西廡  
字德溫號敬軒河津人明洪武二十二年生天順八年卒年七十六諡文清宏治中詔祀於鄉隆慶五年從祀原

先儒胡居仁 西廡  
字叔心號敬齋江西餘干人布衣終身明宣德九年生成化二十年卒年五十一諡文敬萬曆十二

年從祀

先儒羅欽順

字允升號敬齋江西泰和人明成化元年生嘉靖二十六年卒年八十三贈太子太保諡文莊國

朝雍正二年從祀

先儒呂 柟

字仲木號涇野陝西高陵人明成化十五年生嘉靖二十一年卒年六十四諡文簡國朝同治二年從祀原

位西廡

先儒劉宗周

字起東號念臺浙江山陰人萬曆六年生國朝順治二年殉難卒年六十八乾隆四十一年

賜諡忠介道光二年從祀原

先儒孫奇逢

字啟泰鍾元夏峯直隸容城人明萬曆十二年生國朝康熙十四年卒年九十二道光八年從祀

原

先儒陸隴其

初名龍其後改今名字稼書浙江平湖人國朝康熙三十一年卒距明崇禎三年生年六十三諡

萬載縣志

卷七

學校

十八

清獻雍正二年從祀原

西廡先儒

先儒穀梁赤

顏師古曰名喜阮孝緒曰名傲字元始魯人子夏弟子唐貞觀二十一年從祀

先儒高堂生

魯人齊公族也或曰高敬仲食采於高堂因姓焉漢書無名稱生者乃諸儒之稱秦末漢初人唐貞觀二十一年從祀

平從祀

先儒董仲舒

字寬夫雋川人元至順元年從祀原

先儒毛 萇

字長公趙人萇為河間獻王博士稱小毛公唐貞觀二十一年從祀

先儒杜子春

河南緱氏人漢永平初年且九十唐貞觀二十一年從祀原

先儒諸葛亮

字孔明瑯琊陽都人漢光和四年生建興十四年卒年五十四諡忠武國朝雍正二年從祀原

東廡

先儒王

通

字仲淹河東龍門人徵召不起陳至德二年生隋義甯二年卒年三十五一作開皇二年生年三十七門人私謚文中子明嘉靖九年從祀原位於東廡

先儒韓

愈

字退之昌黎鄆州南陽人唐大歷三年生長慶三年卒年五十七謚曰文宋元豐七年從祀

先儒胡

瑗

字翼之秦州海陵人宋淳化四年生嘉祐四年卒年六十七初謚文定後改文昭明嘉靖九年從祀

先儒韓

琦

字桂圭相州安陽人宋大中祥符元年生熙甯八年卒年六十八謚忠獻追封衛王國朝咸豐二年從祀原位於東廡

先儒楊

時

字中立龜山南劍將樂人宋皇祐五年生紹興五年卒年八十三謚文靖明宏治八年從祀原位於東廡

先儒尹

焯

字彥明一字德充世為洛人宋熙甯四年生紹興十二年卒年七十二國朝雍正二年從祀

先儒胡安國

字康侯建甯崇安人宋熙甯七年生紹興八年卒年六十五謚文定明正統二年從祀

萬載縣志

卷七

十九

先儒李

侗

字愿中延平南劍州劍浦人宋元祐八年生隆興元年卒年七十一明萬曆四十二年從祀原位於東廡

先儒呂祖謙

字伯恭東萊婺州人宋紹興七年生淳熙八年卒年四十五謚曰成改謚忠亮景定二年從祀原位於東廡

先儒袁

燮

字和叔宋朝鄞縣人國朝同治七年從祀

先儒黃

幹

字直卿勉齋福建閩縣人宋紹興二十二年生嘉定十四年卒年七十贈朝奉郎謚文肅國朝雍正二年從祀

先儒蔡

沉

字仲默九峯建州建陽人屢薦不就宋乾道三年生紹定三年卒年六十四謚文正明正統二年從祀原位於東廡

先儒魏了翁

字華父鶴山邛州蒲江人宋淳熙五年生嘉熙元年卒年六十謚文靖贈秦國公國朝雍正二年

先儒王柏

從祀原  
位東廡

字會之號長嘯更號魯齋婺州金華人宋慶元三年生咸淳十年卒年七十八諡文憲 國朝雍正

二年從祀  
原位東廡

先儒陸秀夫

字君實江南鹽城人宋端平三年十月八日生祥興二年即元至元十六年卒年四十四 國朝咸

豐九年  
從祀

先儒許衡

字仲平魯齋懷州河內人宋嘉定二年生元至元十八年卒年七十三諡文正皇慶二年從祀

先儒吳澄

字幼清草廬撫州崇仁人宋濬祐九年生元元統元年卒年八十五追封臨川郡公諡文正明正統

八年從祀嘉定九年罷 國朝乾隆二年復祀原位東廡

先儒許謙

字益之號白雲山人婺州金華人隱居東陽金華山元至元七年生後至元三年卒年六十八諡文

懿 國朝雍正二年從祀原位東廡

萬載縣志

卷七

學校

二十

先儒曹端

字正夫月川河南滎池人明洪武元年生宣德九年卒年五十九 國朝咸豐十年從祀原位東廡

先儒陳獻章

字公甫白沙廣東新會人明宣德三年生宏治十三年卒年七十三諡文恭萬曆十二年從祀

先儒蔡清

字介夫虛齋福建晉江人明景泰四年生正德三年卒年五十六諡文莊 國朝雍正二年從祀

先儒王守仁

初名雲字伯安姚江浙江餘姚人明成化八年生嘉靖七年卒年五十七諡文成萬曆十二年從祀

原位於東廡

先儒呂坤

字叔簡新吾河南甯陵人明嘉靖十五年生萬曆四十六年卒年八十三 國朝道光六年從祀

先儒黃道周

字幼平石齋福建漳浦人明萬曆十三年生國朝順治三年殉難卒年六十二乾隆四十一年

賜諡忠端道光五年從祀原位東廡

先儒湯斌

字孔伯號荆峴又號潛菴河南睢州人 國朝康熙二十六年卒明天啟七年生年六十一 乾隆元

年賜諡文正道光三年從祀原位東廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠明建在奎文閣後久廢

國朝雍正五年程令元度捐建明倫堂右嘉慶辛酉邑人郭吉捐

銀四百兩陳邦梅捐銀一百六十兩倡修

肇聖王木金父公

宋人孔父之子孔子之五世祖 國朝雍正元年追封肇聖王祀 崇聖祠中位

裕聖王祈父公

或作畢夷父孔子之高祖 國朝雍正元年追封裕聖王祀 崇聖祠左一位

詒聖王防叔公

名字無考嘗為魯防邑大夫後世因號防叔孔子之曾祖 國朝雍正元年追封詒聖王祀 崇聖祠右一位

萬載縣志

卷七

學校

二十一

昌聖王伯夏公

事實無考孔子之祖 國朝雍正元年追封昌聖王祀 崇聖祠左二位

啟聖王叔梁公

諱紇孔子之父仕魯為鄆邑大夫宋大中祥符元年追封齊國公顏氏魯國太夫人元至順元年封

啟聖王顏氏啟聖王太夫人明嘉靖九年令兩京國子監及天下學校通建啟聖祠中祀叔梁題啟

聖公孔氏神位 國朝雍正元年仍封啟聖王祀 崇聖祠右二位

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮字伯尼孔子之兄孔忠之父國朝咸豐七年配饗

先賢顏氏名無繇家語作顏繇字季路史記字路繇索隱作由顏子之父唐開元二十七年從祀元至順三年封杞國公諡文裕妻齊姜氏杞國

先賢孔氏名鯉字伯魚子思之父宋咸淳三年從祀明嘉靖九年配饗

西配

先賢曾氏名點字子皙史記作曾蒧字皙按蒧古點字曾子之父唐開元二十七年從祀明嘉靖九年配饗

先賢孟孫氏名激字公宜孟子之父元延祐三年封邾國公妻仇氏邾國宣獻夫人明嘉靖九年配饗

東廡先儒

先儒周氏名輔成周子敦頤之父妻鄭氏封仙居縣大君明萬曆二十二年從祀

先儒程氏名珦字伯溫二程子顥頤之父封永年伯宋景德三年生元祐五年卒年八十五明嘉靖九年從祀

萬載縣志

卷七

先儒蔡氏名元定字季通西山蔡氏沉之父宋紹興五年生慶元四年卒年六十四贈迪功郎諡文節明嘉靖九年

從祀

西廡先儒

先儒張氏名迪張子載之父國朝雍正二年從祀

先儒朱氏名松字喬年號韋齋朱子熹之父宋紹聖四年生紹興十三年卒年四十七贈通議大夫元至正二十二年追諡獻靖明

嘉靖九年從祀

以上先賢先儒位明嘉靖時稱先賢某氏先儒某氏

國朝因之

每歲仲春仲秋上丁日致祭

先師主獻官分獻官暨陪祀官均致齋二日豫期既牲既割牲皆

如儀祭日陳設

大成殿幣一牛一羊一豕一爵三登三劔二簠二簋二邊八豆  
八東西四配各幣一羊一豕一爵三登一劔二簠一簋一邊  
六豆六東西二序各幣一羊一豕一爵劔簠簋各一邊豆各  
四東西兩廡各幣一羊二豕二餘品如式雞初鳴正獻官率  
僚屬等畢集戟門內通贊執事者各司其事引禮生贊就位  
引正獻官分獻官陪獻官就位立贊瘞毛血贊啟牲饌通贊  
迎

神舉迎

神樂奏昭平之章辭曰太哉

萬載縣志

卷七

學校

二十三

孔子先覺先知與天地參萬世之師祥徵麟紘韻答金絲日月既

揭乾坤清夷樂作引禮生贊就上香位引正獻官升東階入

殿左門贊詣

先師香案前贊跪正獻官跪行一叩禮興贊上香正獻官上炷香

三上瓣香跪行一叩禮興不贊以次詣

四配位前跪上香儀同贊復位引正獻官退降階復位初迎

神時引禮生分引東西序分獻官升東西階入殿左右門詣

十二哲位前跪上香退降階復位引兩廡分獻官詣

先賢

先儒位前跪上香退復位均如前儀引禮生贊跪叩興正獻官



分獻官暨陪獻官行三跪九叩禮興樂止通贊奠帛爵行禮  
獻禮奏宣平之章辭曰予懷

明德玉振金聲生民未有展也大成俎豆千古春秋上丁清酒

既載其香始升樂作引禮生引正獻官升階贊詣

先師位前贊跪正獻官跪行一叩禮興司帛跪奉篚正獻官受篚

拱舉奠於案司爵跪奉爵正獻官受爵拱舉奠於塾中跪行

一叩禮興引禮生贊就讀祝位引正獻官至殿中拜位立贊

跪正獻官分獻官陪獻官皆跪贊讀祝司祝跪讀祝辭曰維

某年月日某官某致祭於

至聖先師孔子曰惟

萬載縣志

卷七

學校

二十四

先師德隆于聖道冠百王揭日月以常行自生民所未有屬

文教昌明之會正禮節樂和之時辟雍鐘鼓咸恪薦夫馨香泮

水膠庠益致嚴於籩豆茲當春仲祇率葵章肅展微忱聿將

祀典以

復聖顏子

宗聖曾子

述聖子思子

亞聖孟子配尚

饗讀畢興正獻官分獻官暨陪獻官均行三叩禮興引禮生引

正獻官以次詣

四配位前跪奠帛獻爵儀同退降階復位引禮生分引兩分獻

官升東西階入殿左右門詣

十二哲位前跪奠帛獻爵與退降階復位均如儀引兩廡分獻

官詣

先賢

先儒位前跪奠帛獻爵復位儀同樂止亞獻奏秩平之章辭曰

式禮莫愆升堂再獻響協鼗鏞誠孚鼻獻肅肅雍雍譽臺斯

彥禮陶樂淑相觀而善樂作引禮生引正獻官升階贊詣

先師位前暨

四配位前奠爵於左如初兩序兩廡隨分獻畢均復位樂止終

萬載縣志

卷七

學校

二十五

獻奏叙平之章辭曰自古在昔先民有作皮弁祭菜於論思

樂惟天牖民惟

聖時若彛倫攸叙至今木鐸樂作引正獻官升階奠爵於右如亞

獻儀兩序兩廡隨分獻畢均復位樂止通贊飲福受胙引禮

生贊詣受福胙位引正獻官至殿中拜位奉福胙二人自東

案奉福胙至

先師位前拱奉退立於正獻官之右接福胙二人自西案退立於

左引禮生贊跪正獻官跪贊飲福酒右一人跪遞福酒正獻

官受爵拱舉以授於左接以興次受胙如飲福之儀贊叩興

正獻官三叩興贊復位引正獻官退降階復位贊叩興正獻

官分獻官暨陪獻官均行三跪九叩禮興通贊徹饌奏懿平之章辭曰

先師有言祭則受福四海饗官疇敢不肅禮成告徹毋䟽毋瀆樂所自生中原有菽樂作徹畢樂止贊送

神奏德平之章辭曰鳧繹峩峩洙泗洋洋景行行止流澤無疆聿昭祀事祀事孔明化我蒸民育我膠庠樂作引禮生贊跪

叩興正獻官分獻官暨陪獻官行三跪九叩禮興樂止通贊

奉祝帛饌送燎有司各奉祝帛香饌恭送燎所如儀正獻官避立拜位西旁竝過復位樂作引禮生引正獻官詣燎所

燎畢樂止各官皆退同日祭

萬載縣志

卷七

學校

二十六

崇聖祠各幣一羊一豕一餘品如式東西四筵各幣一羊一豕一餘如式兩廡各幣一羊一豕一餘如式正獻官分獻官儀節同祝辭曰維某年月日某官某致祭於

肇聖王

裕聖王

詒聖王

昌聖王

啟聖王曰維

王奕葉鍾祥光開聖緒盛德之後積久彌昌凡聲教所覃敷率循源而溯本宜肅明禋之典用申守土之忱茲屆仲春秋聿修祀

事以

先賢顏氏

先賢曾氏

先賢孔氏

先賢孟孫氏配尙 饗

同日祭

名宦祠 在戟門左

宋知縣事徐 昇

宋知縣事祝 勛

宋知縣事王 僎

萬載縣志 卷七

宋知縣事林景達

宋知縣事冷應徵

明知縣事趙 中

明知縣事賈志通

明知縣事束 清

明知縣事舒仲誠

明知縣事汪悠久

明知縣事李 燦

明知縣事邢廷楨

明知縣事陳 瑤

學校

二十七

明知縣事陸璫

明知縣事徐一唯

明知縣事畢懋良

明知縣事倫應祥

明知縣事姚繼舜

明知縣事章明傑

國朝知縣事吳自肅

國朝江西提學道高璜

國朝江西巡撫白璜

國朝江西巡撫張芾

萬載縣志

卷七

學校

二十八

按通志載祀徐昇以下凡三十一人舊志僅錄李徵古林景達冷應徵束清高璜五人乾隆八年奉文移祀徵古於鄉賢補祀徐昇以下十七人九年增祀白璜同治三年奉文增祀張芾共二十三人

祝文維某年月日某官某致祭於名宦之靈曰昔官茲土咸有樹立媿非倖成功非揜飾孰彰於前孰遠於聞窮碑信史遺跡賸芬施法死勤著在舊典禮以成之敢用弗腆牽牲載酤進公之堂擊鼓迎神神其我享尙饗

同日祭

鄉賢祠 在戟門右

唐孝子廖洪

南唐大保青陽公宋齊邱

南唐袁州刺史李徽古

宋廣州通判蕭杞

元龍泉教諭黃鼎

明晉府長史龍鐔

明山東布政司叅政龍儀

明貴州左布政使易節

明刑科給事中劉盡

明刑部左侍郎郭瑾

萬載縣志

卷七

學校

二十九

明汀州府知府李瓊

明彰德府知府龍士通

明大理寺少卿宋良佐

明雲南按察司副使張璧

明雲南布政司叅政彭自新

明福建建甯縣知縣宋九儀

明廣東增城縣知縣喻子賢

國朝吏部右侍郎辛從益

按通志祀廖洪以下凡三十五人舊志僅載宋齊邱龍鐔  
易節郭瑾李瓊五人乾隆八年奉文移祀李徽古補祀廖

洪等十一人咸豐 年奉文增祀辛從益共十八人

祝文曰維某年月日某官某致祭於 鄉賢之靈曰民以俗  
習 賢因地靈言坊行獲鄉人式經或器淵沈或節稜厲要  
其歸趣若執左契某水某邱 公所昔遊文獻可徵賴有前  
修我享惟時以妥以侑颯然精爽鑒我遷豆尙 饗

同日祭

忠義孝弟祠

在學宮右 國朝雍正元年奉行四  
年知縣程元度建乾隆壬申重修

唐孝子廖 洪

元孝子郭 擦

明忠臣晉府長史龍 鐔

萬載縣志

卷七

學校

三十

明孝子郡廩生龍以仁

明忠孝邑廩生張列文

明忠孝邑庠生張 經

國朝義門周爰試

國朝孝子陳盛森

按通志祀廖洪以下五人舊志陳府志俱僅載洪鐔以仁

三人嘉慶十年奉文飭查增四人道光 年增祀陳盛森

共八人

祝文曰維某年月日某官某致祭於 忠義孝弟之靈曰惟

靈稟賦貞純躬行篤實忠誠奮發貫金石而不渝義問宣

昭表鄉閭而其式祇事懋彞倫之大性摯莪蒿克恭念天顯之親情殷棣萼模範咸推夫懿德

綸音特闡其幽光祠宇維隆歲時式祀用陳尊簋來格几筵尙饗

同日祭

節孝祠

在學宮右 國朝雍正四年知縣程奉行建乾隆壬申重修

元龍均用妻陳氏張鼎實妻敖氏

府志鼎實

甘希魯妻鄧氏明

周大甫妻張氏烈女常氏生員鍾伯良妻袁氏知縣張燊繼妻雙氏廩生譚瑩妻涂氏龍應時妻袁氏生員楊嘉賓妻韓氏廩生辛子美妻甘氏周榮五妻汪氏鄧禮妻丁氏生員郭

萬載縣志

卷七

學校

三十一

宏敷妻辛氏吳嘉佐妻潘氏生員彭煥妻徐氏李永芳妻彭氏生員彭信古妻葉氏鮑紹文妻周氏龍三榜妻吳氏生員歐陽餘慶妻聞氏生員張文綽妻彭氏龍以會妻蘇氏生員張鉉妻鍾氏袁汝棟妻鮑氏王道成妻柳氏生員辛啟夏妻龍氏生員袁開美妻梁氏

舊志誤梁袁氏

歐陽體信妻周氏楊嘉賓妻彭氏辛應宸妻宋氏

國朝廩生辛承頂繼妻張氏

按節烈邀旌典者例准立主入祠辛張氏以後姓氏具詳列女志不贅錄

祝文曰維某年月日某官某致祭於節孝之靈曰惟靈



純心皎潔令德柔嘉矢志完貞全閨中之亮節竭誠致敬彰  
閭內之芳型茹冰蘖而彌堅清操自勵奉盤匱而匪懈篤孝  
傳徽

絲綸特沛乎

殊恩祠宇昭垂於令典祇循歲祀式薦尊醪尙

饗

以上四祠各羊一豕一餘如式

祭器

木祝版二 木俎二十 木豆二百四十六 木饌盒十六

木燭臺一百八 木高照四十六 木牲盆十八 竹籩

萬載縣志

卷七

學校

三十三

二百四十六 磁鼎十六 磁彝一 磁香鑪十六 磁登

三 磁劍二十二 磁簋六十一 磁簋六十一 磁尊八

磁罍尊八 磁爵五十四 磁毛血楪十六 毛血銅盆

二 銅勺八 錫茅沙池二 錫盥盆二 盥盆木架二

帛篚盒十八 供桌六 綢幕幃八 綢桌幃十八 緞織

一 鐵燔鑪一 鐵燎鑪八 鐵燎叉四

祭品

幣 檀香 降香 兜香 速香 柏香 木油 白蠟

牛 羊 豕 鹿 兔 鮮魚 藁魚 韭菹 菁菹 芹

菹 筍菹 棗 栗 榛 芡 白黑餅 黍 稷 稻

梁 形鹽 醬醋 清油 糝料 蜜麵 茴香 酒  
樂器

鐵鐘一 銅鐘十六 大鼓一 楹鼓一 應鼓一 鼗鼓一  
一 搏拊一 琴六 瑟二 笙六 龍笛六 鳳簫二  
洞簫二 象簡六 塤二 篪二 祝一 敔一 石磬十  
六 塵旛二 羽毛一百四十 籥四十八 篥四十八  
干二 戚二 旌節二

碑文

順治九年

御製卧碑文刊立明倫堂左康熙十一年

萬載縣志

卷七

學校

三十三

御製訓飭士子文頒勒學宮康熙四十三年

欽頒平定朔漠碑雍正七年

欽頒平定青海碑乾隆二十三年

欽頒平定準噶爾碑二十五年

欽頒平定回部碑四十四年

欽頒平定金川碑

書籍

御纂周易折中

御定書經傳說彙纂

欽定詩經傳說彙纂

欽定春秋傳說彙纂

御纂周易述義

御纂詩義折中

御纂春秋直解

欽定三禮義疏

御批資治通鑑綱目前編

御批資治通鑑綱目三編

欽定評鑑闡要

欽定明史

聖諭廣訓

萬載縣志

卷七學校

三十四

御纂性理精義

御纂日講四書解義

御製詩初集二集

御製文初集

欽定四書文

欽定學政全書

欽定授時通考

欽定清漢對音字式

學額

國朝順治四年定直隸各省儒學視人文之多寡分爲大中小

學大學取生員四十名中小學以十爲差府學廩生四十名  
縣學二十名增廣生如其數府學貢於成均者歲一人縣學  
二歲一人康熙九年更定儒童入學額數府學二十名萬載  
十二名武童名數同嘉慶九年

題准文武共加五名今原額歸土著加額歸棚籍同治三年宋仕  
輝等四房捐餉

題准加土籍文武學定額各八名客籍文學定額二名武學定額  
一名同治四年紳商流寓湖南捐餉

題准加土籍文武學定額各二名其分額合考緣由具紀略於左

紀略

萬載縣志

卷七學校

三十五

雍正二年戶部尙書張廷玉奏浙江江西等處安輯棚民之  
道應編入本縣冊籍其中有膂力技勇之人與讀書向學之  
子許其投縣收考於是萬載棚民官爲查明造冊設有客都  
客厝客保客練然頂入本籍厝甲者亦不少三年江督查弼  
納題准江西棚民有讀書向學果係入籍二十年以上有  
田糧廬墓者准其應試於額外酌量取進八年江撫謝以萬  
載縣原報棚童七百餘名題准另額九年部議數滿五十  
名另額取進一名再多遞加以四名爲率棚民之兄弟叔姪  
姻親仍居原籍未曾同爲棚民者不許頂冒應試本籍童生  
亦不得混入棚民內冒考違者均照冒籍例治罪是年邑開

棚考同日局試另題另榜嗣是三十餘年各考各額相安無事二十八年學政周以江省棚民漸少請裁革棚額改入土考部議恐客佔土額多有未便請

旨勅下巡撫湯聘查明棚童若與原數不甚相遠應照雍正九年定例辦理巡撫湯以萬載棚童尙有二百四十名按之另額取進之例似屬相符但通省旣改歸土籍未便兩歧議准合考三十二年舉人辛廷芝等以復舊請知縣翟廷法通詳未准嗣後每逢考試土籍用三單結棚童赴學審音用五童結投考然弊端遂啟訟牘滋紛矣中間如李明生宋軾朱琢亮等控案不勝枚舉至嘉慶元年王耀先等以棚冒土生員王

選龍崇光晏錫榮武生楊錫誠職員郭樹茵等攻訐提省經撫院張斷歸棚考耀先又以私立三單控院知縣來珩議詳本籍三單棚籍互結相安已久三單歷奉憲文飭備並非私自設立亦非始於近時請仍照舊奉院批准又有甘成瑞者因冒用三單應試爲童生郭自強卽郭垣控省所沮遂赴提督府越控撫院張訊擬又以三單互結相沿已久若頓改成規則棚童土著無別流弊更無底止咨准部覆仍照原議分別投考在案惟分結雖經部定而鎗冒頂替土著究無從稽察嘉慶年間每科佔額六七名不等四年舉人辛炳晟貢生鄧鏞廩生郭光笏等請復分額舊例知縣來據情懇詳院批飭

查通省棚童情形延閣中止八年副貢辛梅臣赴部呈請得旨交兩江總督陳大文會同江西學政李鈞簡察核情形悉心籌議具奏總督主分學政主合而並請加額奉

上諭著秦承恩會同新任學政曹振鏞再行悉心籌酌體察輿情會議具奏欽此兩院旋以加額合考查清棚籍煙冊覆奏十年

土童龍元亨以合考輿情未協縣府招考不到等情控提督府奏交部議解省究辦兩院因奏暫停考試仍委員復查煙

冊後考期展緩奏十一年土童盧鍾靈唐建節李效棟等又

向都察院呈請分額有

旨交江西巡撫設立章程妥議具奏合邑土童感戴

萬載縣志

卷七學校

三十七

皇仁歡欣赴考護撫先奏覆合額如初十二年署縣周吉士開考迄無投卷者知府鄭鵬程發示招考人愈疑懼署縣旋以觀望分額具稟與府稟阻考異遂撤委以知州陸模蓀接篆并持院示勸考其時謠言洶洶居民紛散考者彌復不前於是巡撫金學政汪奏准照例停考務獲孫馨祖等究辦弁以土客不合情形縷析上陳馨祖隨赴部投到得

旨交江督審辦十三年定讞馨祖吉士及投審之唐暉唐金湯劉斯浩劉思儀張鶴鳴歐陽炳傑鮑夢嵩郭垣分別發遣斥革有差方案未定時御史鄒家燮有棚民佔籍請歸畫一之奏至是總督鐵巡撫金督學汪合詞奏請分額經大學士會同

禮部議准自是裁去土籍三單概用五童互結易卷面棚字  
為客字於土籍本額十二名外復棚籍文額四名武額一名  
照舊分進而訟端息今擇事要四疏具錄於後

臣陳大文奏為遵

旨悉心察核籌議覆奏仰祈

聖鑒事竊照江西萬載縣副貢辛梅臣赴京呈請仍復棚額一案

經禮部具奏奉

旨此案著交兩江總督陳大文會同江西學政李鈞簡將該省土  
籍棚籍察核情形悉心籌議具奏等因欽此臣查江西棚民自  
雍正九年定例准其在居住之州縣一體考試其童生數滿  
五十名以上者額外取進一名百名以上者取進二名二百  
名以上者取進三名最多以四名為率若不滿五十名與本  
籍童生合併考取在案嗣於乾隆二十八年前學臣周燧奏  
請棚童歸入土籍經部行令前撫臣湯聘覆查江西通省惟  
南昌府屬之寧州等五州縣及瑞吉饒袁四府所屬等縣俱  
自雍正九年起另額取進但向日應試數百名及百名者今  
或僅五十名或止二三十名不等為數無多應請歸入土籍著

萬載縣志

卷七學校

二十六

考試惟萬載縣棚童尚有二百四十名雖符另額取進之例  
但通省請歸土籍未便獨存一縣以致兩歧嗣後江省棚民  
均歸土籍一體考試部議覆准亦在案自萬載縣棚民歸土  
以後遇縣考時土著童生取具鄰里廩保本童甘結謂之三  
單棚童於三單之外加用五童互結雖卷面並無分別而保  
結兩歧土童棚童仍自為區分棚童取進一名即佔土籍一  
名之額此許訟所由來也臣當即咨會學臣李鈞簡應如何  
定斷俾得永遠相安去後嗣據覆稱土棚合考已四十餘年  
自無復為分籍之理但棚額取進四名合考後未經議及祇  
爭十二名之數土籍童生未免缺望現在棚童日多議將萬  
載縣原額取進文童十二名武童十二名之外奏請加取文  
童四名武童一名一體遵用互結投卷不准再分土籍名色  
咨覆到臣正在會摺具奏間復據副貢辛梅臣及該縣生童  
李錦岡吳道達等先後赴臣訴稱棚民與土著分類已久即  
蒙加額勢難強同呈請復還棚額庶弊絕訟消等情臣查此  
案並未據地方詳加詢議難保不再滋事端又經批司飭令  
該府縣秉公集議詳覆節次查催據藩司先福督同該府縣  
傳集土棚生童詳悉推求平心訊斷實有不得不復還棚額  
另取之勢據詳前來臣復悉心確查案卷察核情形緣江西  
棚民從前來自閩廣等處棲止荒山搭棚墾種迨滋生日眾

恐結黨爲害另設客都客畧客保客練稽查由來已久自裁  
棚歸土以後歷年攻許不休案卷纍纍而棚童投考之人忽  
增忽減去來竟屬無定查嘉慶六七兩年取進棚童至五名  
七名之多佔去土額之半土童情實不甘今若加額而不分  
額誠如部議棚童之數日多土著之攻彌力紛爭滋擾仍不  
相安惟有請

旨將萬載縣棚童仍照雍正九年定例五十名以上另額取進一  
名數至一二百名以上以次遞加仍不得過四名之額卷面  
註明土棚字樣於考試時通用互結合考分取各進各額俾  
棚童取進之數不佔土著之額亦不阻棚童上進之階庶可  
兩無爭競將來如果棚童減少另額亦可隨時減少若不及  
五十名仍歸入土著一體考試與原例俱無窒碍再現據藩  
司詳稱舊有棚籍各州縣亦尚有互控之案已知會撫臣一  
體飭查確核報部一面擬具摺稿移咨學臣會議畫奏去後  
茲據復稱照舊合考爲妥事關更改章程未便率行畫奏等  
因臣再四籌思在棚民止願合考不願分額以便多佔學額  
在土民以棚籍人數無常混亂佔額情實不甘雖訟案屢示  
懲創終無寧息臣準情酌理土民與棚民究有主客之分目  
復還棚額亦足以折服棚民之心並足以杜絕鎗冒之弊雍  
正九年定例自宜永遠遵行學臣李鈞簡堅執歸併考試原

萬載縣志

卷七學校

三九

案意見不能相同應聽其自行議奏外謹將臣請復棚額舊  
制學臣並未會議緣由並將藩司府縣并詢議情形另繕清  
單恭呈

御覽伏乞

皇上睿鑒勅部確核定議施行謹  
奏

臣金光梯臣汪廷珍奏爲查明萬載土棚兩籍實在情形恭  
摺具奏仰祈

聖鑒事竊照萬載縣土著副貢辛梅臣民人龍元亨等先後呈請  
仍復棚籍分考一案經前撫臣秦承恩會同學政曹振鏞奏  
明加額合考旋因童生盧鍾靈唐建節李效棟復赴都察院  
衙門呈控奏奉

諭旨萬載縣土籍棚籍童生分合考試一事前經該縣生童等迭  
次呈訴據前任巡撫學政會同查辦今盧鍾靈等又來京呈請  
分額取進著江西巡撫溫承惠體察輿情將土棚二籍童生如  
何設立章程酌定額數俾兩造各皆悅服永杜訐訟之處詳細  
妥議具奏所有原告盧鍾靈等著照例解往備質欽此當經溫  
承惠委員審訊龍元亨供有在籍勒休知縣孫馨祖與鮑夢  
嵩郭自強等斂錢肥己從中主使業已赴京探聽消息查拏  
無獲未經定案至上年四月值學臣曹振鏞歲試之際據該



管府縣同委員等以生童情愿合考稟經護撫臣布政使司  
先福會同學臣據情轉奏欽奉

上諭該邑生童既籲求愿考土棚兩籍仍舊合試按額取進不必  
再行查辦孫馨祖等俟拘解到齊照例辦理欽遵在案臣金光

梯於上冬到任後查明孫馨祖等日久未獲節次嚴飭偵捕  
弁與臣汪廷珍訪聞土棚兩籍合考加額取進該處土民仍

不輸服因詳查舊案體察衆論緣萬邑棚籍一項其始原係  
閩廣等處失業窮民荷錘而來墾山種麻搭棚棲止深山之

中或數家爲一處或數十家爲一處滋養生息日久愈多雍  
正二年查明造冊卽設有客都客啞客保客練等項名色相

沿至今未改與土著民人界限本自判然雖同處一邑之中  
而土民向存歧視不與客籍遷居城內亦不締結婚姻偶有

結婚者則土著親族羣相詬病棚民因此遂於同籍之人愈  
加親密而於土民亦存彼此之見且其習俗勤樸生計寬裕

土民不能別加凌辱此氣味不投非僅考試一節各分町畦  
之原委也又自雍正九年定例另編棚額考試數滿五十名

者取進一名至一二百名以上以次遞加仍不得過四名卷  
面註明客籍字樣與土民各進各額從無爭競迨乾隆二十

八年經學臣周煌以江省棚籍昔多今少奏請改歸土籍合  
額考試而萬邑棚童爲數特多當時惟以各縣既裁棚額未

萬載縣志

卷七學校

四十

便萬邑獨畱因而勉強從事自此告訐之案殆無虛歲蓋由  
既經合考棚民卽視學額爲公共之物不甚愛惜且來去無  
定其原籍兄弟叔姪以及外姻親屬并別縣棚民私相頂冒  
在土籍俱無從識別故凡遇試期或以舉監生員頂名鎗替  
或以此縣棚童越赴彼縣歧考卽有臨場獲破及事後告發  
者關查提審棚童既心存倖進未肯改其故習而土著已受  
佔額候質之累至於清理煙戶原屬夙昔舊章但千百戶之  
棚童其年貌三代不過約畧開寫非能繪影圖形弔查譜系  
卽其人是是否真正讀書文理若何地方官又豈能盡爲試驗  
則臨場頂替歧考仍無所執據以取辨於俄頃而平時所謂  
查煙戶以定童數之多寡絕鎗冒之弊源者誠屬有名無實  
故合額之年卽有吳蘭賢等控案以後屢懲屢犯地方官既  
無詞以謝土童而又不能禁棚童之舞弊因創立土著用三  
單棚童另用互結之法爲調停之計不知棚籍童生例由棚  
籍廩生認保廩生與互結之童均係棚籍伊等方且庇護之  
不暇其保結何足爲憑是非特無益於剔奸抑且顯示以眈  
域明合暗分糾纏愈多然未若近年告訐之甚者則因嘉慶  
四年以前取進棚童僅二三名及嘉慶六七等年每屆取進  
至五六名不等土童嫉妬更深兩造視若仇讐此又棚籍歸  
併土籍合額考試滋弊較易防弊難周以致爭訟不休之原

委也至上年龍元亨等赴京呈控遞回查該縣生童慮及永遠停試而府縣委員亦原許於考後另爲籌辦故初次縣考尙止五百餘名及陸續勸誘補覆始得一千一百餘名現有先後查辦稟札存卷可稽此又上年該縣土棚二籍赴考之原委也臣等於查明之後竊思棚民居住萬邑久隸版圖恭逢

國家文治昌明之際薄海內外薪標同登土棚學額原可無事區別惟園方之見既不能徧責鄉愚而一道同風之化要在人無異學士無歧趨亦初不以學額之分合爲重輕特以南經奏定合考卽有輿情未盡洽浹之處亦應縷瀝呈請俟臣等酌核情形據實陳明籲懇

宸斷况案內既有孫馨祖等藉端斂錢滋事尤應嚴拏究辦再行奏請

聖恩俾知

皇仁浩蕩於生童尙可曲予矜全而假公濟私之刁徒在所必懲庶各知凜懼鬼域漸消從此永絕訟根方爲妥協經臣金節次剴切曉諭臣汪現在按試屆期乃據該府縣稟稱該縣童生尙未赴縣投考細加查訪仍係孫馨祖等從中阻止以致該處童生無知者受其煽誘良善者亦畏其脅制因觀望不前等語似此鈞結阻撓若不嚴加懲辦何以戢刁風而昭炯

萬載縣志

卷七學校

四十一

戒相應據實奏明請

旨將萬載縣童生照例停其考試俟拏獲孫馨祖等究明阻考確情另行酌議奏辦至孫馨祖一犯爲奉

旨緝捕關係緊要之人臣金嚴切行催不啻三令五申并因該署縣周吉士藉稱孫馨祖外出日久未能弋獲飭司撤回改委候補知州陸模蓀前往接署今據陸模蓀等查稟仍屬孫馨祖等相率滋事則是要犯藏匿境內周吉士並不實力緝拏以致益肆猖獗實屬咎無可追未便任令脫然事外轉得遂其怠玩之私應請

旨將前署萬載縣事試用知縣周吉士革職仍令協同地方官上緊緝捕於獲犯後審明是否有心疏縱再行核辦並一面飭委該管巡道劉澧馳赴袁州府會同袁州協副將段大雄遴派妥幹員弁改裝易服不動聲色嚴密查拏務期就獲合將查明土棚兩籍實在情形及查辦緣由會摺具奏臣汪於拜摺後卽馳赴袁州先將該府屬宜春分宜萍鄉三縣生童及萬載縣生員逐一考試合併聲明謹奏

旨以歸畫一事本年十一月二十七日欽奉

上諭周廷棟奏大宛兩縣童試冒籍較多據實請旨查辦一摺考試爲掄才大典而縣府試尤爲士子進身之階文風各省不同

學額亦定數不一自應嚴禁冒籍以遴實學而息紛爭欽此十  
二月初七日又奉

上諭閣泰和奏請清查冒籍請飭交山西巡撫嚴令地方官實力  
查禁等語冒籍混考希圖倖進之弊不獨山西爲然各省恐亦  
在所不免自應一體嚴禁等因欽此仰見我

皇上鼓勵人材甄陶文教諄諄示天下澄學校之原端修行之始  
者至詳且盡現經

勅部通行各省清釐查辦矣然其中無冒佔民籍之名而有陰佔  
民籍之實者臣請一併清查以歸畫一焉臣查江西萬載縣  
土著童生進額十二名有棚籍童生雍正九年議定另額五  
十名進一名百名進二名多至四名爲率至乾隆二十八年  
奉裁土棚合考取進湖自分考四十年來棚童不佔土額民  
籍相安無攻訐冒考之案後三十年棚籍進一名卽佔土額  
一名而棚籍人數日多不安分之徒不但佔籍且私僱鎗冒  
以恃難於稽查乾隆二十九年三十一一年四十八年五十五  
年嘉慶元二兩年棚籍迭有冒考頂替之案此分考所以無  
事合考所以滋弊也嘉慶八年貢生辛梅臣赴京呈請復棚  
童另額取進之例奉

旨交兩江總督臣陳大文會同學政臣李鈞簡具奏督臣請加額  
分考學臣請加額合考意見不能相同請部覈議奉

萬載縣志 卷七 學校 四十一

旨交撫臣秦承恩學臣曹振鏞再行籌議嗣經議准於原額十二  
名外加進四名照李鈞簡之議合考復有該縣童生龍元亨  
以輿情不能上達在提督衙門呈控此分考合考之四覆三  
翻無以成信讞也臣查萬載土籍原有十二名棚籍原有四  
名從前裁去棚籍四名以致棚童入學一名卽佔土著一名  
之額至嘉慶六七年取進棚童多至五名七名不等幾佔土  
額之半似此年復一年盡被冒佔則土著取進爲難文風日  
就頹壞而棚籍鎗冒倖獲尤多於文教士風所關匪細臣謹  
按督臣陳大文原議在棚民願合者欲佔學額在土民願分  
者欲杜紛爭誰公誰私無難立辨而主合考之說欲以不分  
畛域消其攻訐是責天下之兄弟而必盡爲田真於理似乎  
不順此等棚民無昌佔民籍之名有昌佔民籍之實萬載土  
民實不能相安者數十年今聞各省清釐冒籍又必有迭架  
訟端爭訐不已者其衅將不止訐訟已也臣仰體我  
皇上一道同風寓甄別權衡之至意與其紛紛查辦於事後曷若  
慎重於事先不得不於清查冒籍之時預爲籌畫可否出自  
皇上天恩照禮部原議廣東新安新寧等縣客童土童互爭另設  
客籍之例辦理庶可永杜爭端亦不致另生弊竇至案內所  
控斂錢阻考之孫馨祖果否屬實現由督臣鐵保定擬臣爲  
清查冒籍禁絕訟源起見是否有當謹奏

大學士等謹奏為遵

旨會議具奏事內閣抄出兩江總督鐵保等會籌江西萬載縣土  
棚考試情形奏請仍復分額舊例以息訟端一摺奉  
硃批大學士會同禮部議奏欽此查原奏內稱雍正九年舊例江

西棚民入籍考試童生滿五十人以上取進一名百人以上  
二名二百人以上三名最多以四名為率取進以後歲科兩  
考幫補廩增及選拔挨貢科舉均照本籍生員之例辦理土  
著從無爭執迨乾隆二十八年前任學臣周煌以各屬棚民  
應考為數無多奏請歸入土籍考試惟萬載縣棚童較多經  
撫臣湯聘議以各縣既裁未便獨畱因而勉強從事自此告  
訖之案殆無虛歲萬載縣土籍童生約計一千數百名學額  
止有十二名加以裁去棚額復佔土額土額愈覺減少自合  
額後棚民滋生愈多至嘉慶六七等年每屆取進五六名不  
等棚民佔額既多則土民入學愈少雖經加增額數合額如  
故第冒難防土民終不能實受其益以至許訟不休確察與  
情必須分額庶可永杜訟端所有萬載縣棚童十一年分應  
試者二百七十餘名照例應取四名即以  
恩加文童四名武童一名作為棚童額缺其考試幫補廩增選拔  
挨貢並稽察鎗員等事悉遵舊例毋庸別為更改江西各縣  
棚民有人數過多者均照現定章程咨部辦理等語臣等查

萬載縣志

卷七學校

四三

直省學額原有另設客籍之例如廣東東莞新安新寧開平  
等縣地方因客籍較多與上籍合考人情不安議令或復客  
籍舊額或設客籍進額歷經辦有成案江西萬載縣土棚童  
試事宜自乾隆二十八年裁額以後迭相攻許訟結多年先  
因副貢生辛梅臣在部具呈奏交該省查辦據前任兩江總  
督陳大文議請加額分進會經准行續據學臣李鈞簡奏請  
合考經撫臣秦承恩學臣曹振鏞議准加額仍合考取進無  
如土童慮客童佔額究不相安而勒休知縣孫馨祖等遂從  
中阻考以致該處童生意存觀望滋生事端臣等伏思刁風  
在所必懲而輿情亦宜允協孫馨祖等均照例治罪已足儆  
刁頑而正士趨至土棚考試事宜自當量為調劑以杜紛爭  
現據該督等奏請仍復雍正九年定例分額進取之處應如  
所請即以嘉慶十年議增加文童四名武童一名作為棚童  
定額考試時於卷面註明客籍字樣毋庸與土籍十二名合  
取如有報捐貢監職銜者亦一體註明客籍以免牽混其幫  
補考貢並容籍廩增附生准其自行保結各事宜均令照舊  
辦理毋庸另議現在棚童應試人數究不過土童三分之一  
業已定額四名毋庸再撥府學致開佔冒之漸如此分額取  
進則棚童既無屈抑而土籍亦無從滋訟庶於土習民風均  
有裨益再江西棚童不止萬載一縣向無攻許等事該督等

亦不得因有援照之案率議紛更臣等公同籌議土棚分額緣由是是否有當伏候訓示遵行爲此謹奏請旨

十六年監生謝鳳池呈歸土籍考試奉 部議准有云嗣後如有自嘉慶九年土棚未經分額以前向歸土籍用三單考過者歸入土籍考試向歸棚籍用五童互結考過者歸入棚籍考試部文區別至明詎寄居客尸輒以前未考過三單亦未考過五童從而昌考滋訟二十四年知府隆議詳劉瑞和考試誤授謝伯兼案道光九年李超梅傅文宏又援劉瑞和案經知府趙查馭詳奉 藩憲岳核議 撫院吳批云

萬載縣志

卷七

學校

四十四

嗣後如有自嘉慶九年土棚未經分額以前向歸土籍用三單考過者歸入土籍考試向歸棚籍用五童互結考過者歸入棚籍考試雖指寄居已經應過童試者而言但三單互結實土棚分籍之確憑其寄居已久或自後隨時入籍概應歸入棚籍其義甚明如從前未經考過甫應童試者亦止查明土籍棚籍爲斷土籍應用三單棚籍則用互結更屬瞭然即謝伯兼一案謝伯兼本係土籍被易占梓誣控棚籍將易占梓照例坐誣擬徒謝伯兼歸入土籍咨准部覆尤爲明證至劉瑞和案業據自稱其祖自明來萬則係外來之戶與謝伯兼之實係土著者本不相同該前守援照謝伯兼之案斷歸土籍原屬錯誤並經該府查明該縣生童並未遵斷豈得執以爲據今該府議以寄居已久並未考過三單同此後隨時入籍者概歸棚籍考試核與例案相符毋庸咨請部示云云

從此土客兩籍愈辨以晰然李傅等昌考在先後客籍亦未收考則案內載從前未經考試及此後隨時入籍概歸客籍亦須客籍查明方可

學基

右自官街起循學管墻腳直上至小塍止計陸拾陸丈伍尺後橫自學管右邊墻腳起至靜安寺右肩府館官土塍止計潤貳拾捌丈左直下至洗浴巷止計壹拾貳丈伍尺自洗浴巷起至街計叁拾壹丈伍尺前橫計壹拾伍丈伍尺舊志又前從常平倉左墻腳除宋姓出入石路外至江岸經溥泉井右隨古路直上傍王祠墻腳連筆架山上至迴瀾橋一帶洲岸俱係學管公地煤渣壅積成山道光六年知縣陳文衡疏河并為清理洲地復舊而相度水勢紆道少西故迴瀾橋移西岸三廂其東岸三廂墊成平壤歸河局管理橋係郭孟鋪子孫修墊

萬載縣志

卷七

學校

四十五

按明天啟戊申邑紳藍王等清復學前岸基上控撫軍勒禁於石

國朝康熙中貢生龍文炳等清復左基乾隆初年貢生汪朝祖等清復 崇聖祠後及右邊直下一帶地基嘉慶中合學清復洲土俱有案

學產

徐家塘田貳千把計捌拾畝科米拾陸石壹斗柒升零內壹千柒百餘把民人胥橋助 原係學買胥業讓半價助公後橋子孫并所得半價繳出田作助產 按舊志作玖拾陸畝柒分零而把數止稱貳千計算不合

今從學田碑册更正

又徐家塘田貳百拾把計捌畝肆分零科米貳石肆升捌合零  
民人李耀芳助

東關外田壹百貳拾把計肆畝柒分零科米柒斗捌升零

泉陂院田伍拾把計貳畝科米叁斗壹升柒合零

煙塘田叁百叁拾伍把計拾叁畝捌分零科米壹石伍斗捌升

陸合零 三處俱給社學道光二年知縣衛撥入龍河書院

藍田田肆百把計拾陸畝科米叁石壹斗捌升柒合零

新田田肆百叁拾把計拾柒畝零科米貳石壹斗貳升四合零

福塘 舊志作花橋 田肆百柒拾把計拾捌畝零科米叁石貳斗捌升

伍合零

萬載縣志

卷七

學校

四十六

白水田肆千壹百伍拾把計壹百陸拾陸畝科米若干 布政司批發

清水塘田柒百把計貳拾捌畝科米伍石肆斗零 守巡二道批發

楓子塘田壹千貳拾伍把計肆拾壹畝

仙居橋田壹千伍百把計肆拾伍畝

思公坪 在桃源 田壹千把計肆拾畝

宋坑 在學山裏 田叁百把計拾貳畝

尖山下田叁百把計拾貳畝

石塘田叁千把計壹百畝科米拾陸石柒斗 知縣畢奎未清理

棧下田叁百叁拾把計拾叁畝零科米貳石肆斗零

涂泉田貳百把計捌畝

後塘田肆百把計拾陸畝科米叁石

梅源田叁百把計拾貳畝科米叁石

艾宋阮在梅源田壹百把計肆畝

楊梅沖田柒百把計貳拾捌畝

雲峯嶺田叁百捌拾把計拾伍畝零

昌陂洲田貳百餘把計捌畝零 署縣楊獻弼斷入

王村田捌百陸拾把計叁拾肆畝零 道光六年首事鄧錫喻藩

真君廟田貳拾畝有奇 失 六區張家塘田肆畝有奇 失 九都二

畝橫山波江拾把 失

徐家塘左右山土四處歲租共錢柒千捌百文 對岸荒塘窩

土一處歲租肆百文 大畚口土一處歲租壹千文

學前店一所二鋪歲租錢拾壹千貳百文 又店一所二鋪歲

租拾叁千肆百文 又店一所歲租伍千陸百文 又店一

所二間歲租拾肆千文 木橋頭店五間歲地租貳千文

普濟堂右側大園一所 文昌閣頭門外左側餘土直下叁

丈伍尺橫濶隨墻拾餘丈勒石嵌墻

學田原委紀畧

袁寬 邑廩生

久而必弊者物理之常盈而必虧者消息之道余於學田一事竊歎古今之不相及也蓋吾邑學田自前明萬曆元年部院徐公栻慮士力學不給糞粥貢舉莫辦舟車因准郡守程



公文著請以匿報官田分贍各學諸生萬又增買民人胥橋等田因有徐家塘田玖拾陸畝柴分而邑侯徐公一唯又同時捐置東關外泉陂院煙塘三處田共壹拾陸畝伍分捌釐亦爲諸生膏火賑助科舉之費止登循環以稽出納不欲報上以開紛擾此萬邑學田所自始也萬曆十八年郡守沈公存仁與邑侯張公履中亦捐置藍田新田花塘三處田共伍拾肆畝貳分壹釐零其資給兩庠亦與程徐諸公無異萬曆二十四年邑侯畢公懋良益宏其作養增置白水楓子塘仙居橋清水塘思公坪宋坑尖山下七處田共叁百陸拾玖畝貳釐貳毫天啟四年邑侯陳公瑛暨署篆推官孟公養心又

續置棧下梅源塗泉後塘四處田共伍拾捌畝貳分貳釐伍毫通計地方拾捌處共伍百玖拾肆畝柒分叁釐柒毫要其所自非良牧興賢造士不及此也恭逢

本朝定鼎賢令接跡一切作人雅化鼓舞之法悉循舊規而無所更易迨甲寅變亂士子星散田地榛蕪于時學師姚國楨傳愈灑糾集諸生招佃開墾身總其務貯租辦稅仍以其餘粒糶鏹以給貧士猶不失前賢捐助之意無何日久弊滋侵蝕殆盡而諸生無與焉康熙六十年庠生龍學宏首倡呈藩呈府藩憲許公飭府訊詳批令仍還士管於是兩庠諸生遂推龍學宏與郭邦藩仔肩其事細查其田爲奸民蠶食隱踞

者不可勝數端緒紛如幾莫能理郭生殫心竭力不避勞怨  
務以洗剔積弊而邇厥捐置之初已去舊額壹百陸拾柒  
畝壹分肆釐柒毫然於諸生貢舉之貧貧士餽粥之資學宮  
修理之用猶爲優裕士因感龍生首事之績而頌郭生綜理  
之功雍正四年學訓張元達係貴溪歲貢正齋熊埴係靖安  
拔貢亟爭此田而學宏又以他事忤縣令程元度張學訓逢  
迎其意因飛語具詳中以危法欲擠之死幸藩憲王公承烈  
廉得其情不忍滅歿前賢德意因以實在學田叁百叁拾畝  
玖分有零剖作四分內撥張令所置伍拾畝爲貧士餽粥燈  
油之需以徐令暨程守等捐置田內撥壹百畝歸學管業又

撥伍拾畝爲社學生徒膏火之資餘田壹百叁拾貳畝玖分  
雖歸學總理除完糧外以所餘租穀爲修理學宮之用仍擇  
學中殷良董率其事每歲年終造具支銷細數清冊送府查  
核部院布公批允雖揆諸捐置初意有未盡合而餽羊餘制  
猶賴以存此學田至今之大較也余於是有感焉前明程徐  
張畢諸公或憐士而創制或愛士而增益捐俸捐贖後先一  
轍造士作人之心有加無已何其盛也今

國家愛養士類不啻饑渴凡有司牧之責者宜以

聖主之心爲心以循良之法爲法域樸菁莪之化其庶幾乎今幸  
龔黃繼起秉鐸得人實心總理其事除學師百畝之外凡社

學貧士修學諸資能不侵漁不扣剋不浮數冒銷不假題乾  
沒與二三殷良孜孜總理則今日之損必且為後日之益是  
不惟諸生之幸實前賢捐助之幸也此外尚有真君廟學田  
貳拾畝有奇六區張家塘學田肆畝有奇以未經載志為惡  
人佔賣併紀之以示後云

試費祭產附

學宮土籍文武鄉會試費自乾隆年間始鄉試每名貳百文後  
漸加增肆百陸百不等會試其初纔一二人每科拾兩後人  
數漸多改照鄉試錢數按名十倍之此皆出自學田客籍所  
無故不預

思永堂卷費道光戊申職員易錫純捐助共田壹千玖百伍拾  
伍把額租貳百貳石交賓興堂一區首事帶管每科通計所  
入分作四股以兩股發文鄉試入闈者一股發文會試一股  
作交糧備補零用之需有餘歸下屆核算首事糕餅錢歲貳  
千文此費亦止發土籍所有田把開後

高橋莊田心裏屋背早田伍拾把 灣坵早田伍拾把 灣  
坵路下早田拾把 劉人門首早田壹百拾把 大牯墩早  
田壹百拾把 竹山下早田拾伍把 江背深坑早田叁拾  
伍把 深坑江塍上早田拾把 學虎坑遲田陸拾把 理  
學坡下早遲田壹百貳拾把又零星七坵 馬欄坑遲田肆  
拾把 暖斗坑遲田陸拾把 坪仔窩遲田叁拾把又路下  
貳坵 冷水坑遲田伍拾把 社灣裏早田壹百貳拾伍把  
大源坑遲田貳百把 共額租壹百捌石莊屋板倉魚塘  
園土藥林俱全  
紹江莊門首岳長坵早田陸拾把 崩陂墩下遲田伍把早

貳拾伍把 又坂中早田叁拾把 石下灣狗婆坵早田伍  
 拾伍把 排山下遲田貳拾把 狗婆坵遲田叁拾把 竹  
 仔棚遲田叁拾把 西龍庵墩下早田貳拾把 庵下遲田  
 肆拾把 庵下上邊遲田貳拾伍把 石下灣遲田拾把  
 何家坑口早田陸拾伍把 確破邊下截早田叁拾把 牆  
 屋門首下截早田陸拾伍把 鑪下墩水口社前上截遲田  
 叁拾把 莊屋門首坐右早田叁拾把 屋右蠟樹下早田  
 拾把 門首塘下早田伍把 屋右腦仔上早田貳拾把  
 楊家坑口早田拾伍把 豎造莊屋魚塘田貳拾把 東岸  
 懈形下大腦坵早田陸拾伍把 西岸田背坑口郭人屋側  
 早田捌拾把 崩破裏早田伍拾把 崩江坵早田伍把  
 西岸破頭早田肆拾把 其額租玖拾肆石其莊屋山塲俱  
 與辛善和兄弟各管一半

聖誕祭產道光甲辰乙巳職員鮑鍾瑞貢生郭如衡職員郭如槃  
 助共田壹千貳百拾肆把丙午教職宋鳴謙捐錢貳百千有

記

萬載縣志

卷七

學校

五十一

計開十八都廖巷等處早遲田肆百捌拾伍把 饒田龍騰  
 陂等處壹百叁拾伍把 南窰河陂頭早田伍拾把 王家  
 山隴裏叁拾把 播箕嶺一小坵俱鍾瑞助十六都二箇埭  
 仔上早遲田伍百拾肆把莊屋魚塘藥林花土對面竹山俱  
 三股之二如衡如槃助